

Kepentingan Solat 5 Waktu

Kenapa Penting?

1. Solat Tenangkan Hati Yang Sedang Bergelora

Kadang hidup rasa berserabut, hilang arah, jiwa gelisah. Solat adalah tempat menenangkan diri — bukan sekadar ritual, tapi ruang bicara dengan Tuhan yang Maha Mendengar.

2. Solat Menjaga Dari Dosa & Perangkap Nafsu

Zaman ini penuh ujian. Cinta palsu, zina, hiburan melampau, maksiat tanpa segan. Solat jadi pagar iman. Bila kau jaga solat, solat akan jaga kau.

3. Solat Membimbing Keputusan Hidup

Umur muda penuh persimpangan: nak kerja, sambung belajar, pilih pasangan, cari duit. Solat mengajar tenang, sabar dan bergantung pada Allah, bukan pada manusia atau trend.

أَوَّلُ مَا يُحَاسَبُ بِهِ الْعَبْدُ يَوْمَ الْقِيَامَةِ الصَّلَاةُ، فَإِنْ صَلَحَتْ صَلَحَ سَائِرُ عَمَلِهِ، وَإِنْ فَسَدَتْ فَسَدَ سَائِرُ عَمَلِهِ

“Perkara pertama yang akan dihisab (diperhitungkan) ke atas seorang hamba pada hari kiamat ialah solat. Jika solatnya baik, maka baiklah seluruh amalannya. Dan jika solatnya rosak, maka rosaklah seluruh amalannya.”

HR : al-Tirmizi (no. 413)

Nasihat Dari Kami

harmonimanjung.com

Dah berjaya nanti

Allah tak tanya kau siapa, kerja apa, gaji berapa.
Tapi Allah akan tanya: 'Adakah kau jaga solatmu?'

Akibat Meninggalkan Solat

Ini Akibatnya

1. Jauh dari Rahmat Allah

"Kalau kau tinggal solat, kau sedang menjauh dari satu-satunya tempat selamat dalam hidup – rahmat Tuhanmu."

Tanpa solat - hati jadi keras, hidup makin gelap, dosa makin senang buat

2. Kehidupan Dunia Tak Diberkati

Hidup nampak 'okay', tapi kosong. Rezeki sempit. Jiwa miskin. Sebab bila hubungan dengan Allah longgar, semua urusan akan jadi serabut.

3. Kehidupan Akhirat di Dalam Neraka Saqar

"Apa yang memasukkan kamu ke dalam Saqar (neraka)?"
Mereka menjawab: "Kami dahulu tidak termasuk orang-orang yang solat."
(Surah Al-Muddaththir. 42-43)

Nasihat Dari Kami

harmonimanjung.com

"Solat itu bukan suatu beban atau perbuatan yang menyusahkan. Tapi apabila kita dah mula rasa tidak bersalah ketika meninggalkan solat, maka bermulalah melekatnya satu titik hitam di hati yang kemudiannya menjadi suatu penyesalan sehingga ke liang lahad."